

度

支

奏

議

度支奏議目錄

雲南司四卷

題覆河南撫按議督糧道移駐疏

題覆宋倉院漕折定價疏

題三四月分京軍支放通糧疏

議覆轉運貯津漕米疏

再覆通務兩司官查報燬糧疏

漕折徵解太緩查叅申飭速完疏

再覆轉運貯津漕米疏

提獲船戶插和漕糧疏

覆戶科題議輕賞銀兩改解京庫疏

題覆監兌主事元之偉考覈疏

燒燬漕糧官旗船戶分賠疏

就近補差蘇松監兌疏

覆班軍鹽菜犒工不得冒破疏

覆津部查叅凍糧官旗掛欠極多疏

恭報新糧抵闕疏

河道淺阻乞亟疏通疏

覆成國公運漕增額疏

度支奏議卷之四

太子少保戶部尚書潘青畢自嚴視草

題覆河南撫按議督糧道移駐疏

題爲漕米弊蠹當除糧道駐轄宜酌謹陳一得乞

賜

勅議施行以裕軍儲以蘇民困事雲南清吏司案呈  
本月初一日奉本部送戶科抄出巡按河南監察御史吳牲會同巡撫河南都察院右僉都御史范景文題前事等因奉

聖旨該部卽與議覆欽此本月初六日又奉本部送  
戶科抄出巡撫范景文題同前事奉

聖旨已有旨了該部知道欽此欽遵通抄到部送司  
查得河南撫按會奏該省漕務九害六便議將  
督糧道移駐小灘請加專

勅兼轄元城魏縣等處以便責成等項事宜相應酌  
議具覆案呈到部該臣等看得漕運之弊至今  
日極矣各地方俱不乏議革議創之時宜而在  
河南又與南中不同蓋南中漕米各州縣俱有

水路則各州縣皆水次也是以本地方土產之米而交入倉厥候兌者也河南固以直隸元城縣小灘鎮爲水次者也而額運漕糧實分徵於舟楫不通之地就小灘而糴買完官者勢也以兩河之民而赴糴三輔其情俗旣不相洽以中州之官而遙制河朔其威令又不相屬卽極力振飭終窮於臂指之不能互運此該糧道有九害六便之呈請而該撫按有移駐兼轄之奏

聞也就中如豪販高價車脚增值是害之在市僧者

也減價而買粗濕之米襲舛而其猶鼠之眠是  
害之在委官與總部者也借口常例而索不一  
端以致耗費多而加派之苦貽累地方任情揮  
和折乾而弊不一途以致米色惡而掛欠之數  
虧損倉儲又害之在奸弁與猾旗者也方今倉  
庾空匱掛欠之弊既萬萬不可因循且各州縣  
畏

功令而浸淫加派每石輒至三四錢不等卽令異  
口自詰是何名色乎況此等數目尚係明報之



撫按者也仍聞州縣中更有私派幫貼但求委  
官竣事併不據實

上聞者窮黎何辜寧堪此無藝之苛求哉倘有執三  
尺而震懾於上者則

國便民便卽印官委官運升旗軍罔不俱便又何  
尤害窟穴之足云雖監兌業遣分司而事係兼  
攝故去住不時當無如該糧道移駐兼轄則事  
權重而時日久尤稱扼要底績之急着耳合無  
卽如撫按議責令各州縣印官於六月委官七

月發銀除額徵外不許加派分毫各委官領銀  
既畢隨赴水次趁時買米卽時估不敷應用止  
許掌印官明白申詳設處抵捕不得私取民間  
如限內無銀以悞事問罪如額外加派以違

旨坐贓該糧道亦務於八月移駐協同監兌司官精  
心料理如市估米色躬親酌驗入厰上船逐節  
查覈前項弊竇盡數剔革限正月內兌完遵新  
例押送通州方准回省政該撫按所謂以徵銀  
委官買米責成各州縣而以交兌查催革弊責

威督糧道總期克勦運務者也但該糧道亦不  
得以移駐博名以兼轄崇體致辜撫按特請之  
盛心卽監兌司官併應殷鑒前轍立振新猷不  
許故縱衙役生事滋擾致負

聖明再設之曠典庶大家同心而漕事尚可爲也若  
能豐年節存留待凶年補濟尤在諸臣酌時宜  
而多方計畫非臣部所可預必也惟是兼轄之  
地方與承接之體統不無仍竢商酌者查得河  
南水次雖在元城小灘鎮而附近小灘者卽是

濟縣之道口往例以一水之便赴糴小灘者固  
十之六七而補奏於道口者亦十有三四若轄  
元城魏縣而不轄濟縣恐法令尚有中格之處  
矣及查分巡河北道兼管濟縣故事祇以宜溝  
高村等處道路犬牙爲蛇豕出沒之所該縣原  
設有巡路員役以防劫掠故必借憲臣彈壓之  
其餘錢穀詞訟與夫職官賢否從不與聞今應  
比照前例若市價舟車賈販郵驛等項與漕事  
相涉者俱聽該道鈐制有不率者許揭報撫按

一體叅劾漕運而外自有河北道之成例在想  
該道斷不肯舍已而耘人也再照河南以小灘  
爲水次猶山東以德州等處爲水次其壤地旣  
爾相接其事體亦復相同查山東舊例計道里  
遠近爲本折分別近者運本色兌漕遠者解折  
色買米官與民兩俱稱便歲時旣久奉行非法  
有司利於派解本色而贈耗愈重脚費愈繁所  
弗卹也爲今之計似應比照前例除附近州縣  
仍照例運本色外其離水次寫遠州縣止許派

解折色赴水次糴買但須照前中州之議務要  
蚤委官蚤徵銀蚤買乾潔好米上倉候兌官給  
價值寧可稍從其贏不必多派本色以滋小民  
之累既不勞民傷財又不妨漕病

國此則兩省均可通行者也敢因中州而并及之  
既經該撫按條議疏

請前來相應題覆伏乞

皇上睿裁將河南督糧道

特准兼轄直隸元城魏濟等三縣用飭漕事行令各

衙門一體欽遵其於

國計民生未必無小補也

崇禎三年二月初九日具

題本月十二日奉

聖旨依議行欽此

題覆宋倉院漕折定價疏

題爲漕事敝壞莫支振靡挽頽宜亟謹申舊章陳  
一得以破積習以裨

國計事雲南清吏司案呈崇禎元年十二月十三  
日奉本部送戶科抄出巡按直隸監察御史宋  
師襄條議漕政七款題奉

聖旨倉漕二差事相表裏漕糧稽運掛欠卽從水次  
交兌爲始今後地方管糧官必躬親稽查杜絕折  
乾揔和諸弊違玩的漕臣立行叅處監兌官查係



祖制仍與題復以專責成運價每歲量扣十分之三  
漂燬船隻從當地有司申報勘實題請若官旗侵  
盜借名漂燬的按法究懲不准申豁奸旗盜糧有  
蹟爲首的與欠糧運官一體監比掛欠叅問各官  
漕司法司嚴提正身追比仍歲終造完欠冊奏繳  
如或徇情弛縱所司官必罪不宥津截及折價二  
款該部看議來說以後非十分重大災傷撫按官  
不許再議改折該衙門知道欽此欽遵抄出到部  
送司查得巡倉宋御史條議漕事水次交納宜

明運糧折價宜覈漂燬假借宜覈官旌追比宜  
同掛欠叅問宜結五款皆邇流窮源鑿鑿可行  
已奉有

俞旨通行各該衙門欽遵至復監兌司官一事又該  
本部覆奉

欽依遵行訖惟是津門截漕富議漕折徵價宜增二  
款相應議覆就經移會新餉司及呈堂行文各  
該省直撫按查議去後隨准新餉司回稱每年  
鮮運漕糧十萬石今自崇禎二年爲始以八萬

石運發海外以減存二萬石撥運關門以抵坐  
南災稜召買不足之數兩奉

明旨未便紛更如欲遞減或俟之預計崇禎三年時  
再爲酌定可也等因到司案候各省直查議漕  
折增價文到併覆間隨准新餉司回稱查得鮮  
運漕糧每年額派十萬石今值軍興孔亟之時  
未便遽更成議預計三年疏內已照原額題定  
無容再減等因在案其漕折一項已該山東撫  
按回稱濟南兗州東昌三府永折漕米七萬石

內二萬石係六錢折價五萬石係八錢折價  
槩補足七錢以五萬之內多銀抵補二萬少數  
實長銀三千兩應否減去以示均平照數減編  
以寬民力又河南撫按回稱河南一省未折漕  
米七萬石內五萬石八錢折價二萬石六錢折  
價若以通融七錢折之尚多銀三千兩似應照  
舊徵解以勸

國用又湖廣撫按回稱本省未折米三萬七千七  
百三十四石七斗每石折銀七錢與倉院所議

相同又應天巡撫回稱漕糧之有本折緣地土  
之有肥磽蘇州府嘉定縣濱海沙瘠土不產禾  
自萬曆十八年間題

准米折正兌米一十萬七十五石六斗三升五合每  
石折價七錢改兌淮安倉米六千四百一十七  
石六升每石折銀六錢正兌改兌之色目不同  
京倉淮倉之遠近迥別所議折價自不能比而  
同也又鳳陽巡撫回稱淮海兵備道呈稱淮安  
府安東縣彈丸下邑居黃河下流額漕一萬四

千七百石先年河決草灣縣畿成沼遂議亦折  
每石定價七錢因民貧不能承辦議將四稅銀  
二千八百五十九兩五錢助湊漕折萬曆三十  
二年部將四稅取漕一項助解濟邇而以每石  
七錢總歸該縣自認民苦不堪具告各院題  
准每石折銀五錢俯念災疲免其外加又據潁州兵  
備道胡沾恩呈稱泗州乃

陵園鍾瑞之地

聖祖發祥之區半係山崗半爲澤國兼之賦重差繁

民多逃竄萬曆二十四年蒙將額徵漕糧入  
五百七十石三斗一升題

准改折每石五錢此固稍寬民力實以培根本以系  
三宗之靈矧該州災稔頻仍加派疊至斃斃小民方  
控愬之無路一旦以七錢改折逋負不前民將  
掉臂而去是不可與別處州縣同日而語矣又  
據揚州兵備道王象晉呈稱揚州府興化縣東  
稱本縣幅幘不過百里又有五湖六十四蕩占  
地四十餘里原額民竈田地僅二百四十二頃

七千餘畝久沉釜底稅糧三萬餘石重困固已  
莫支後因

先朝遺民孫開保向富戶求需不遂誣

奏欺隱致加浮糧二萬石是湖蕩水面盡丈爲田  
一則起科昔年里民劉應軫等激切具

奏請將加糧二萬改爲折色旋復報罷至萬曆二  
十一年知縣歐陽東鳳目擊民不堪命徑自具  
疏以越職受罰始得每石永折五錢是各省輸  
有田之糧興化供無田之稅卽各省議增興化



萬難求多各等因咨覆在案相應議覆案呈到  
部該臣等看得鮮運議截漕糧蓋以本色召買  
之不敷也如鮮兵旣減餉亦應與俱減昨年臣  
部已將鮮運漕糧十萬之內酌減二萬移抵畿  
南災稔召買不足之數是漕糧十萬仍未減也  
今值軍興多事之時姑且改抵薊門之用遽難  
議更應俟事平之日再爲酌議可也其截數之  
掛欠應聽津門自爲追補不得再截正漕益滋  
侵耗先該臣部已疏

請申明矣是在督餉諸臣加之意焉至于漕糧之有  
未折價值之有多寡亦以地利物力之不齊耳  
如山東河南二省各漕糧七萬石內各五萬石  
俱八錢折價二萬石俱六錢折價而東省所議  
欲以五萬石八錢之多而移補二萬石六錢之  
少槩以七錢爲額長銀三千兩減編以寬民力  
此爲地方私計而非爲

國家起見不若河南議以照舊徵解以裕

國用之爲得也楚省漕米三萬七千七百三十四

石七斗每石折銀七錢與倉臣所議相同無差  
再計其蘇州府嘉定縣正兌京倉米一十萬七  
十五石六斗三升五合每石折銀七錢但說者  
謂三吳財賦之區各邑俱因轉漕贈耗繁夥而  
該縣獨獲未折之利頗處其饒稍爲不平但七  
錢之例已與倉臣議合似難深求惟改兌淮安  
倉米六千四百一十七石六升每石折銀六錢  
較之七錢之數已少而淮倉比京倉之路爲近  
當時建議短銀一錢蓋亦有自來矣至安東縣

漕糧一萬四千七百石泗州漕糧八千五百七十石三斗一升興化縣漕糧二萬石俱五錢折價在安東縣稱地居黃河下流先年遭河決之患縣幾成沼漕糧遂議改折每石價銀七錢旋以四稅銀二千八百餘兩補解後以稅銀取解濟邊題

淮每石五錢蓋以災疲之地無可議加在泗州稱係陵園之地半係山崗半爲澤國賦重差繁民多逃竄在興化縣幅幘不過百里內有五湖六十四蕩

占地四十餘里水面盡丈爲田輸供無田之稅  
每石五錢之外難以議加總之漕糧改徵折銀  
乃因地方災疲不能承辦卽價有多寡之異亦  
以地有肥瘠故也倉臣議於每石五錢之外量  
加二錢以備波折之需念切 備空匱固籌畫  
之苦心今據各該撫按道府再四酌議揆之地  
利物力無可議加實體卹之遠見本多而議從  
其減恐有損于

國額本少而議從其增恐滋累于民艱况定價于

昔幾經酌議而非私爲厚薄沿行于今歷來  
遠而難驟爲變更各應照舊徵解庶爲妥便  
既經各撫按議覆前來相應覆

請恭候

命下臣部行文各該衙門一體欽遵施行

崇禎三年二月十一日具

題本月十四日奉

聖旨這截漕折價事既經酌妥著依議行欽此

題三四月分京軍支放通糧疏

題爲支放官軍月糧事雲南清吏司案呈准下糧  
廳付稱查得先是二月分月糧例應支領通粟  
續該本部具題當此用軍之時跋涉遠道止得  
粟米或非所樂不若暫改粳米俟三月事平補  
放粟米等因在卷隨將二月分月糧坐派通州  
粳米放訖今三月分月糧坐派在卽果否補放  
通粟未經付定難以坐派等因到司卷查三月  
分月糧業經題奉

明旨補放通倉粟米無容再議第目今虜患雖云稍寧而各軍尚在城守以二月分不樂之粟米改放三月豈三月分卽爲其樂從乎仍非所以示優恤而戢衆志也且年前十一十二兩月應放通糧祇因城門方閉改放京糧仍俟兵事解嚴補放通倉題明在卷合無將三月應放之粟及四月應補之粳併准於通倉預給但寬以時日俾盡數運京庶一行而獲兩月之糧倉不損額軍不稱厲計無便於此也雖舊例四月分應放



折色或不妨改折色於五月補放一通融閭而  
倉庾有濟矣但事屬更張相應具題案呈到部  
該臣等看得京軍月糧支放原有成例豈容輕  
易更張第虜騎在郊城守勞瘁有難拘於成例  
者在三月已題給通粟併四月亦預給通稷其  
折色俟五月補給似爲調劑得宜惟是一軍而  
給粳粟各一石欲仍照前限五日盡完程期迫  
促恐不能盡運至京仍應多分班次更番赴領  
卽寬限十日似亦不爲遲也京通相距不過三

四十里輦負不難然以一時而支兩月之糧誠恐各軍就便糶賣彼中徒充奸民射利之資不爲京軍宿飽之用倘致都城米價騰貴所係尤非細故更乞

勅令總提協衙門曉諭各軍務將所領糧米僱募車畜全運進京或自用或轉鬻然後從其所便臣部仍行通州坐糧廳及管倉司官嚴禁通民之收買者示各軍以不得不運之勢則卹軍平價一舉而咸有攸賴矣既經該司案呈前來相應

題

請恭候

命下臣部行文各該衙門一體欽遵施行

崇禎三年二月十八日具

題本月二十日奉

聖旨這京軍支運通糧依議寬限務期全運至京不得就近糶賣着總提協嚴禁通州收買該部便行坐糧廳及管倉司官一併禁飭欽此

議覆轉運貯津漕米疏

題爲急議轉運貯津漕米以實京庾事雲南清吏  
司案呈二月十四日奉本部送天津部院崔爾  
進題前事奉

聖旨這截留津糧事宜還着該部確議具奏欽此到  
部送司查得津門截留漕糧事宜係新餉司有  
行就經移付查議去後今准回稱查得春運漕  
米三十三萬向以凍糧截留其秋運二十二萬  
用本年漕米首幫到津者截留發運今津門除

春運截畱并薊運外尚存米六十八萬七千三百七十九石零盡應運入以實京庾誠爲目前急着但脚價之費爲數不貲議畱二十二萬以抵秋截以省脚費今歲新運頭幫直抵通關似亦妥便總一漕米也不過先後權宜之計更免途次輸輓之艱至下年春運俟凍糧守津者再議酌截等因前來相應具覆案呈到部該臣等看得遼餉五十五萬石舊例春截凍糧三十三萬秋截首幫漕糧二十二萬俱津門轉運以濟

開寧者也今以虜警戒嚴津門搬運凍糧入城者先報七十三萬四千六百七十四石六斗六升又續報三十萬二千七百四石七斗六升五合三勺四抄共計一百零三萬七千三百七十九石四斗二升五合三勺四抄糧米船隻保全無恙此皆仰賴我

皇上如天之福亦津門督部司道諸臣搬運之力居多也除奉

旨截畱三十三萬并畱運餉餉二萬外尚存米六十

八萬七千三百七十九石零奉有

明旨俱運入京以實倉儲此自

睿慮淵深爲充裕根本之計今津門又議轉運進京  
脚費則有不得不從頭打算者查自天津至河  
西務紅廟計程一百五十四里自紅廟至石壩  
計程一百三十五里若以務關官剝裝運每石  
脚價計該四分三釐今津門原無官剝俱係雇  
募民船運至石壩定價八分六釐其視官剝水  
脚給已兩俗又加出倉車價四釐每石脚費通

共九分蓋斟酌於遠近官民之間仰體夫公平  
給價之

旨不難損上以益下耳繩以漕規舊例似覺稍多臣  
部仍議量有裁節比據津門司道樊維城石聲  
諧張志芳連名申稱漕糧運通惟苦無船海船  
體大北河水淺膠不能入只得多募民船裝運  
但民船無幾遍地搜括許以俗給腳價無人肯  
應先議自津至通每石給與腳價八分六釐堅  
執不從咸稱虧苦見議加至一錢一石尚嫌不



足自二月初一日至初八日止共雇募民船一百一十餘隻自初九日至十四日止共發過米二萬一千八十石又苦腳價無措乞速發接濟等情夫且溢於九分之外安能儉於九分之內然當此財用匱絀之時仍以初議九分爲主誠不得再有增加者也但漕規剝運俱用加二五斛入倉晒揚完日另行銷算固備消折亦省運費今京通水陸二運俱用此法則津門亦難別有異同耳此米若非運自津門卽當運自通廳

船隻旣少陸運更費幸賴津門督部司道一力  
肩承臣部深感同舟共濟之誼惟有虛心商確  
期歸至當已耳若夫慎揀船戶差官督押以防  
插和侵盜之弊想津門自饒爲之不待臣言之  
贅也第以腳價九分而論總計前來自津運京  
共該腳價六萬一千八百六十四兩有奇而五  
閘內河剝船與大通橋車運進倉之費不與焉  
腳費委屬繁重時日亦有耽延當此軍興空匱  
之日顧安得不深長思也今議將秋截二十二

萬一併存留海運以省脚費止應實運四十六萬七千三百七十餘石允稱得算案查臣部先因虜犯內地原題附近天津者盡數截留津門抵作春運截漕亦不必拘定三十三萬之數業奉

明旨近津截抵春運來歲銷算欽遵在卷今據津部之議欲省脚費又免輸輓一先後轉移間而留物力鉅萬之費且令今歲新運之來直抵通關於以杜觀望之私而息紛紜之議飛渡進京尤

爲便計又與前

旨券符不爽可謂得緩急之宜矣既經餉臣具題復  
經兩司會議前來相應覆

請恭候

命下臣部行文各該衙門一體欽遵施行

崇禎三年二月二十日具

題本月二十三日奉

聖旨這漕米還查京倉所貯及見還數目一併酌算  
足支時月奏來京倉有餘再行別議欽此

再覆通務兩司官查報燬糧疏

題爲奴虜燒燬船糧事雲南清吏司案呈二月初二日該本部奉

御前發下本部題前事奉

聖旨濟士遶報燒俱係空船兩司官便報燬糧三萬有餘又詰而後報船糧參差該部卽確查情弊具奏欽此欽遵到部送司覆查間又該戶科都給事中解學龍題爲燒燬船糧情弊宜究違玩宜懲事奉

聖旨這燒燬情事已有旨嚴查以後戶部各項事體都要開報該科以便稽覈該部知道欽此通行欽遵外今奉本部送據坐糧廳郎中丁流芳呈稱查得燒燬剝船二百五十三隻半內空船一百九十七隻半重船五十六隻共燒燬米七千三百三十一石皆發剝文簿研審各船戶而得數者巡漕潘御史疏報空船皆漕船也職廳所報空重船數皆剝船也先次不及糧石查未的也得糧數而卽報不敢欺也然條剝受載每船例

裝米一百六十石間有限滿朽船或毋船糧盡  
不能取盈爲數少減者故計重船則五十六隻  
計米數則七千三百三十一石數不一齊獨是  
守凍之始職廳三次嚴檄各運官船戶及早窖  
藏恐爲虜害無奈奉法之無人耳今船固焚矣  
船戶之蠶食亂民之搶掠官旗之盜賣侵漁皆  
欲盡委于焚燬典守謂何三尺難貸夫米入剝  
艇船戶固不能辭其責而米未入倉官旗豈不  
當嚴爲防此巡漕潘御史疏稱舊例剝船各有

官旗船戶典守者此也至問孰爲盡焚孰爲盜  
賣孰多蠶食孰未看守然當強虜蹂躪之餘狂  
奔逃命之後固非職廳閉守通城者所能臆決  
而懸擬也據法處分是在上臺之獨斷耳又奉  
本部送據河西務鈔關主事劉孔敬呈稱燒燬  
船糧初報之時未經職目親覩故未敢開具船  
隻并糧米確數自虜騎東向職隨躬親至彼踏  
勘徒見屍骸橫野兩岸並無一人卽乘機盜竊  
難以懸坐閱數日職復單騎潛出駕舟備勘糧



米成灰船質如炭惟取具該地保佑楊文學等  
耳結并蘇州等衛運官魯夢鯉等及各旗呈報  
與職勘閱相似方敢據實呈報並不取諸各船  
戶之口等因到部送司案呈到部該臣等看得  
船糧燒燬各員役但有督催剝運之責者均難  
逃罪業經臺省諸臣交章詰問

皇上不卽處分仍以確查情弊屬之臣部臣等既惕  
於職掌之不敢他諉又激於

寬恩之不敢仰負業經備行河西務通糧廳管運司

官嚴查去後又思兩司官自行回報恐就中情  
事尚難盡憑又咨都察院轉行巡漕漕御史備  
查真偽方敢奏覆今據坐糧廳郎中丁流芳河  
西務主事劉孔敬各呈報前來而漕御史已蒙  
皇上議處似難更遲時日矣查據兩司官來文謂巡  
漕所報之空船原是漕船二臣所報之重船實  
是剝船又謂前此未報糧數尚因查核未確嗣  
後既有米數是以不敢欺隱則前項漕米三萬  
一十五石所稱被虜焚燬者將謂此言不確信

而殺戮有屍呈結有詞在兩臣似不肯攬身名  
爲典守撐運各員役說謊謂此言可信而當虞  
騎充斥之時漕米阻在河干兩臣局之城內誰  
是目擊手量之人倘有乘機竊取而借口賊煩  
者不將遂奸貪侵漁之計乎恐兩臣且不敢自  
信臣等又安敢代兩臣爲各員役信總非虛捏  
難免疎虞此時惟有賠償一法可以懲前而儆  
後耳合無將前項焚燬米石內除殺戮有據者  
姑准饒免其餘責令領運官旗與分剝船戶各

賠一半務要如數全完以示官糧無可輕銷之  
例至於司官劉孔敬丁流芳值河水堅結之秋  
構歷年未有之變方圖剝運又講收歛雖全毋  
船却悞剝船其方圓併畫之下似情勢不無可  
原但責任既有專司自不得不爲法受過也臣  
前疏因運務方殷姑擬分別罰俸亦以懲創之  
中聊寬策勵之途而

露雷總係

天恩終非臣部所敢擅便也既經該司案呈前來除

以後各項事體嚴飭各司逐報該科查考外相應覆

請伏候

皇上勅下臣部行文各衙門一體欽遵施行

崇禎三年二月二十二日具

題本月二十四日奉

聖旨前據兩司官報燬糧三萬有餘今丁流芳查報燬糧七千餘石劉孔敬如何不詳報船數米數語意含糊着按漕御史再行確覈司官專管督運何

得盡委官旗船戶分賠還另議具奏欽此

漕折徵解太緩查叅申飭速完疏

題爲漕銀徵解太緩累咨催取不前恭請

明旨申飭速完以濟急需事雲南清吏司案呈查得  
漕折銀兩係放折急需各省直拖欠數多咨催  
不應先該本部題奉

欽依限每年三月內據實查叅分別降處欽遵在卷  
今照崇禎三年正當查叅之期隨經移付山東  
等司查取天啓六七及崇禎元年未完銀數前  
來如天啓六年分永折則湖廣額銀二萬六千

四百一十四兩二錢九分已完一萬零三百九  
十九兩七錢五分五釐未完一萬六千一十四  
兩五錢三分五釐內武昌府通山縣額銀三百  
八十一兩六錢七分五釐全未完黃州府黃安  
縣額銀二千四十一兩五錢八釐全未完廣濟  
縣額銀二千二百六十八兩九錢四分五釐全  
未完黃梅縣額銀三千八百一十四兩五錢九  
分七釐全未完承天府潛江縣額銀七百四  
完一百二十三兩八錢四分未完五百七十六



兩一錢六分荊州府江陵縣額銀三千六十二  
兩五錢全未完石首縣額銀一千二百七十三  
兩四錢四分全未完公安縣額銀一千四百九  
十五兩六分全未完岳州府華容縣額銀一千  
三百一十九兩一錢八分五釐已完二百一十  
四兩五錢三分未完一千一百四兩六錢五分  
南直隸鳳陽府泗州災折額銀四千一百三十  
五兩四錢二分一釐五毫已完一千五百一十  
八兩六錢四分未完二千六百一十六兩七錢

八分一釐五毫淮安府安東縣災折額銀一萬  
四千二百八十八兩六錢已完五百八十一兩  
未完一萬三千七百七兩六錢揚州府興化縣  
災折額銀七千五百五十兩七錢二分九釐四  
毫已完五千七百八十兩八錢四分未完一千  
七百六十九兩八錢八分九釐四毫徐州災折  
額銀五千八十七兩六錢八分已完四千四百  
五十一兩一錢二分未完六百三十六兩五錢  
六分以上共未完銀三萬四千七百四十五兩

三錢七分五釐九毫七年分永折則湖廣額銀  
二萬六千四百一十四兩二錢九分已完二萬  
三千九百六十九兩七錢三分九釐未完二千  
四百四十四兩五錢五分一釐內漢陽府漢川  
縣額銀一百五十七兩八錢一分一釐全未完  
承天府潛江縣額銀七百兩已完六百八十兩  
七錢六分未完一十九兩二錢四分江陵縣額  
銀三千六十二兩五錢已完一千七百九十五  
兩未完一千二百六十七兩五錢岳州府華容

縣額銀一千三百一十九兩一錢八分五釐已  
完三百一十九兩一錢八分五釐未完一千兩  
河南額銀五萬二千兩已完五萬一千四百五  
兩七錢六分未完五百九十四兩二錢四分係  
盧氏縣額該前數全未完山東額銀五萬一千  
四百五十五兩一錢三分四釐已完五萬一千  
三百一十七兩七錢五分五釐六毫未完一百  
三十七兩三錢七分八釐四毫零內濟南府齊  
東縣額銀一千六百兩已完一千四百六十二

兩六錢三分未完一百三十七兩三錢七分零  
南直隸鳳陽府泗洲額銀四千二百八十五兩  
一錢五分全未完揚州府興化縣額銀一萬兩  
已完七千兩未完三千兩以上共未完銀一萬  
零四百六十一兩三錢一分九釐四毫四絲崇  
禎元年分永折則湖廣額銀二萬六千四百一  
十四兩二錢九分已完二萬六十四兩七錢九  
釐未完六千三百四十九兩五錢六分一釐內  
黃州府麻城縣額銀二千九百七十二兩八錢

一分六釐已完一千五百兩未完一千四百七

十二兩八錢一分六釐荊州府江陵縣額銀三

千六十二兩五錢全未完岳州府華容縣額銀

一千三百一十九兩一錢八分五釐已完一千

兩未完三百一十九兩一錢八分五釐河南額

銀五萬二千兩已完四萬七千六百八十七兩

八錢二分未完四千三百一十二兩一錢八分

內新鄉縣額銀一千二百九十七兩四分獲嘉

縣額銀一千七十四兩二錢淇縣額銀一千三

百四十六兩七錢廬氏縣額銀五百九十四兩  
二錢四分四縣俱全未完南直隸蘇州府嘉定  
縣額銀七萬三千九百三兩一錢八分二釐三  
毫已完四萬兩未完三萬三千九百三兩一錢  
八分零鳳陽府泗州額銀四千二百八十五兩  
一錢五分已完四千二百八十一兩三錢五分  
未完三兩八錢淮安府安東縣額銀七千三百  
五十兩已完四千兩未完三千三百五十兩浙  
江災折額銀二萬四千五百二十七兩五錢三

分一毫二絲已完一萬七千四百二十一兩八錢八分八釐八毫七絲未完七千九十五兩六錢四分一釐二毫五絲內海寧縣額銀一萬四千七百九十七兩三錢九分一釐七毫已完一萬三千三十六兩三錢九分五釐四毫五絲未完一千七百六十兩九錢九分六釐二毫五絲於潛縣額銀四百三十七兩四錢九分三釐四毫二絲已完三百八十五兩四錢九分三釐四毫二絲未完五十二兩海鹽縣額銀九千二百



九十二兩六錢四分五釐已完四千兩未完五  
千二百九十二兩六錢四分五釐共未完銀五  
萬五千零二十四兩三錢六分二釐二毫五絲  
又崇禎二年分見徵永折則湖廣額銀二萬六  
千四百一十四兩二錢九分已完一千七百八  
兩六錢六分八釐未完二萬四千七百五兩六  
錢二分二釐河南額銀五萬二千兩已完一萬  
二千三百五十八兩一錢六分未完銀三萬九  
千六百四十一兩八錢四分山東額銀五萬一

千四百五十五兩一錢三分四釐已完六千七百三兩二錢二分零未完銀四萬四千七百五十一兩九錢九釐零南直隸淮安府額銀七千三百五十兩鳳陽府額銀四千二百八十五兩一錢五分揚州府額銀一萬兩蘇州府額銀七千九百三兩一錢八分俱全未完共未完銀二十萬四千六百三十七兩七錢一釐以上天啓六七并崇禎元年共未完銀一十萬二千三百三十一兩零五分七釐五毫九絲各州縣又延

不完例應查叅其崇禎二年分雖係見徵殊多  
全未起解當此軍需告急之時亦難少緩相應  
一併題催案呈到部該臣等看得漕糧爲三軍  
司命其改本色爲折色者或以年歲之灾青而  
題爲災折或以地方之瘠薄而改爲未折旣鮮  
贈耗亦免輕齎總以曲示體卹之意俾令徵輸  
甚便起解最速也每歲京軍例有支放折色之  
月需用甚急懸望甚殷倘有司念切急公宜徵  
解相率恐後頃自崇禎元年十二月內臣部題

叅責成總漕巡漕催僨之後漕折似已漸集然  
州縣之逋欠者猶未必盡無也今查天啓六七  
兩年并崇禎元年共未完銀一十萬二百三十  
一兩有奇其各州縣有全未起解者六年則有  
通山黃安廣濟黃梅江陵石首公安等七縣七  
年則有漢川廬氏泗州等三州縣元年則有江  
陵新鄉獲嘉淇縣廬氏等五縣是也有解不及  
額者六年則有潛江華容泗州安東興化等五  
縣元年則有麻城華容嘉定泗州安東海寧於

潛濟鹽寺八州縣是也當此待哺方殷之日正  
屬黠念無術之時臣部望眼欲穿而各省直疾  
呼不應放折伊邇將安所賴藉耶相應照例查  
叅以爲忌玩之戒但各州縣京邊新餉爲數頗  
多各有宜叅而漕折爲數差吏恐有完於彼而  
歉於此者不宜直以一端過繩合將全未起解  
者姑各降俸二級解不及額者姑各住俸督催  
統俟錢糧完足之日准其開復在各有司從此  
竭蹶完補庶幾不終爲身名累耳至於崇禎三

年分雖係見徵而全未起解者殊多似當一併  
題催者也總緣此項錢糧每年徵納俱與漕糧  
同時隔歲方完而又不與京邊新餉同入考成  
查叅之例故得恣意怠玩耳案查臣部上年題  
催前項銀兩請令總漕巡漕兼管如有拖欠照  
例查叅今合仍責二臣督催重加申飭將起解  
在途者亟催接濟逋欠未完者勒限追併仍將  
各州縣住俸降俸各官職名查實報部稽考以  
後巡漕復

命卽行會同總漕將輕齎漕折銀兩另疏查叅庶息  
玩知警而儲計有裨矣既經該司呈請前來相  
應題

請恭候

命下臣部行文各該衙門一體欽遵施行

崇禎三年二月二十五日具

題本月二十八日奉

聖旨這叅罰催徵俱依議以後漕折銀兩着與輕齎  
同入考成該部卽通飭行欽此

再覆轉運貯津漕米疏

題爲急議轉運貯津漕米以實京庾事雲南清吏  
司案呈二月二十三日奉本部送

御前發下紅本本部具題前事奉

聖旨這漕米還查京倉所貯及見運數目一併酌算  
足支時月奏來京倉有餘再行別議欽此欽遵到  
部送司遵卽移咨督部及劄京糧廳備查京倉  
所貯及見運數目共有若干足支時月幾何作  
速回報以憑題覆去後隨准督部回稱行據京



糧廳郎中宋治寧呈准舊太等六倉備開所貯  
及見運米數到職合算六倉所貯粳粟共八十  
一萬五百三十九石六斗七升九合六勺五撮  
七圭一粟八粒見運進倉米共二十萬二千五  
百二十二石四斗五升通共粳粟米一百一萬  
三千六十二石一斗二升九合零查支放數目  
每月大放約該米二十五萬石而外衛班糧  
及營軍行糧不與焉合所貯併見到倉米以大  
放酌算約支三月有餘等因咨覆前來今查見

運米除督部報數外自二月三十日止起運到  
京見在進倉米又有一十六萬八千一十石七  
斗九升通共一百一十八萬一千七十二石九  
斗一升九合可支京軍援兵四月又有務關武  
清等處并津城收貯見在起運米共約米一百  
萬亦可支三月有餘再放折色二箇月通倉一  
月從頭打算可至來年春月議覆間又該天津  
部院翟鳳翀題爲議允運京漕米以省腳價事

奉

聖旨這奏留津糧以充海運扣召買及餘米以抵京糧數既相當費亦大省似屬可行還查各府縣運米至通是否兩便并奏內量留薊米都着該部確議具奏欽此欽遵到部送司查得充留津城漕米事宜相應併覆案呈到部該臣等看得今歲凍糧運入津城者共計一百三萬七千三百七十九石有零此津門諸臣收歛之力而顆粒皆軍儲之需也除例截春運三十三萬并留運薊餉二萬外尚存米六十八萬七千三百七十九石

四斗二升五合三勺四抄先是奉

旨俱運進京所需腳價每石以九分爲準共該銀六萬一千八百六十四兩有奇而五關內河剝船與大通橋車運進倉之費俱不與焉乃津門猶稱雇船爲艱加至每石一錢尙嫌不足又議將秋截二十二萬一併存留海運而令今歲新運應截漕米直抵通灣以省搬運腳費之煩似屬有見業該本部酌議具題照數留解續奉

明旨還查京倉有餘再行別議仰見

皇上深念根本一切計慮遠出諸臣之上及查京倉  
原貯米止八十一萬餘石見在運進京倉米共  
三十七萬二千五百餘石以每月大放約請米  
二十五萬加以援兵行糧約可支放四月再  
查務關武清并河干露囤者約五十萬津城除  
春運三十三萬再除秋截二十二萬外尚存四  
十六萬餘石亦可支三月有餘從頭打算目下  
京軍月糧已經支至四月再加折色二月通倉  
一月便足十月之用可抵明年二月爲止但得

新運依期源源接濟亦可免不繼之虞矣津部  
又以臨德餘米并真定等府買解津米二十一  
萬八千五百九十一石四斗欲令原船徑運至  
通交卸進京而將見在津者照數兌發海運是  
亦籌算苦心第州縣派買之米一時未能盡到  
恐西江之水不能濟目前之急且所解者皆粟  
米也而以稷米易之貴賤異宜恐啓異日紛囂  
之口此兌運之法雖善臣部不敢主其議也惟  
有暫留二十二萬是秋截所不容已者今所爭

只在先後間耳其餘盡運進京無容再計獨念所用腳價每石九分已倍通倉舊例又欲加至一錢臣前覆疏已曾言之欲仍以九分爲主今又堅執前議臣部不便再掣其肘卽當照數次第奏發當此三空四盡之時津門諸臣節浮省費諒有同心比例並觀定無虛糜不待臣言之贊也旣經津部具題及督部查報前來相應覆

請恭候

命下臣部行文各該衙門一體欽遵施行

崇禎三年三月初六日具

題本月初九日奉

聖旨依議行欽此



捉獲船戶挿和漕糧疏

題爲捉獲船戶挿和漕糧事雲南清吏司案呈本  
月初五日奉本部送據管理坐糧廳郎中丁流  
芳呈稱職因今歲過壩糧米不暇晒揚滋弊目  
其惡濕之端莫得其源職于乘夜宿壩時微服  
登岸密察端倪仍差委官舍人遠邇巡緝本月  
初一日據石壩委官王炤申稱卑職於前月三  
十日更餘同舍人馬銳等巡至晏公廟前見數  
船用木盆盛水入艙令人上船獲住外水劉成

供稱官剝小船戶柴鬍子卽柴明道裝宣州衛  
米一百五十石令伊子二人在於桅前桅後二  
艙用水十餘桶灌水是實又至浮橋上重船八  
九隻係河剝小船戶許元白四盧春俱用水桶  
和盧春又將失風米上崖桶沙土入艙見岸  
上升斗見在卑職令跟役同舍人獲住盜買漕  
糧譚仲善齊科米二袋審民船戶張四供情是  
實捉獲見在伏候嚴拘買頭做衆等因據此除  
重加責治枷示通衢仍將桶和濕米責令晒揚

過壩外但欲盜之米尚未離船或准枷示釋放  
或仍解部究擬等因到部奉批剝船挿和之弊  
牢不可破據獲船戶柴明道等作奸有據具見  
該廳留心職掌此當盡法究治者除枷責河干  
示懲外仍當叅送法司正罪雲南司查議具題  
奉此又奉本部送據督催轉運凍糧員外郎朱  
萬年爲呈報奸剝攬盜漕糧事內稱職奉

欽命往來京通務關等處催僨漕糧嚴稽挿和等弊  
竊念水輓攬盜牢不可破況又沿途有蕭家林

潮縣馬頭張家灣等處地方慣賊藏米之家與船戶通同作弊其來久矣職銓通抵務關與諭郎中劉主事多方設法揀選精明委官於緊要路口查對米樣用號鈴蓋以防竊取立法不可謂不密矣本月初三日職銓水路遍歷河干巡至潮縣馬頭據委官百戶邵應舉拿獲船戶李文升水滂臭米報職卽登船親驗計米一十二石當據撐夫郭鳳登伊婿劉守才供稱船戶李文升舊年運揚州衛糧一百五十石凍阻蕭家

林被達子燒燬尚剩有燬壞米六七十石寄在  
國戶趙三家昨二月二十八日在務關起運黃  
州衛蒸稻米至蕭家林將舊年燒燬臭米用水  
澆藏在半艙臨期插入乾米內偷去好米十六  
石留八石在家將八石賣與蕭家林同夥人趙  
三典白小江等家每石賣錢三百八十文其餘  
圓臭糧米留爲後運之用船戶李文升見在蕭  
家林守候米錢又拿獲船戶張宗義裝運高郵  
衛米一百五十石內半艙藏入腐澀米色職亦

登船親量五石臭惡不堪據撐夫張孟才供稱  
賣此米者係蕭家林慣賊任明吾每石賣錢一  
百一十文希圖一石換一石供吐是實不意當  
此

功令森嚴之日猶有愍不畏法之船戶李文升張  
宗義囤米之趙三買米之任明吾等一至此也  
不加懲究將何底止等因到部送司相應一併  
題叅案呈到部該臣等看得漕糧粍東南之膏  
血關軍

國之命脉經營於終歲之間輓輸於數千里之外  
其費不貲其用綦重况於今歲凍阻河干突遭

虜變屢屢

聖明宵旰之慮飭爲水陸併運之法臣等仰體

皇上焦勞憂心如焚夙夜不敢自安申令督運司官  
星夜催僨嚴禁揷和恨不立刻盡登倉庾顆粒  
皆充軍糈乃聞車運入京者猶多乾潔一入剝  
船卽有灌水攙土揷和盜賣之弊彼此推諉莫  
可究詰各倉監督屢經呈報臣又責成督運司

官加意防閑留心稽察復恐一官一職一耳一目有所未周添題員外朱萬年往來巡行於是經通廳郎中丁留芳發覺者有船戶柴明道許元白四盧春之挿和水土譚仲善齊科之盜買糧經督運員外朱萬年發覺者有船戶之李文并張宗義囤米買米之趙三任胡晉等各以爛米更換好米暮夜巡行盡得真情研審供吐確有左驗此何時何事而敢於藐法干紀營私病



國一至此哉總緣積慣船戶習爲故常往時官旗  
親押弊端尚不可革今因搬糧入城官旗俱歸  
無人押運所以益肆無忌而狐鼠公行也若不  
叅送究罪何以懲創奸惡而肅清漕政乎旣經  
通廳及督運司官呈報前來臣等謹會同總督  
倉場戶部尚書孫居相覆查無異相應題

請恭候

命下臣部移咨刑部將船戶柴明道等行提依律究  
處施行

崇禎三年三月初七日具

題本月初九日奉

聖旨柴明道等着刑部提問擬罪欽此

覆戶科題議輕賚銀兩改解京庫疏

題爲條陳輕賚事宜以杜弊竇以足

國計事雲南清吏司案呈二月初十日奉本部送  
戶科抄出戶科都給事中解學龍題前事等因  
奉

聖旨這輕賚銀兩積弊已久委宜清覈今後着各省  
督糧道臣自齊料發事竣照報部科有欠的卽於  
該道名下追補餘七分併河南山東銀竟解京庫  
其應發時該管坐糧司官申請堂劄開會該科總

聽稽查不得如前任意銷用歷年拖欠已有旨立  
限嚴催着再申飭該科這疏甚有清緒以後務各  
未遵該部知道欽此欽遵卽行文總漕部院總督  
倉場及坐糧管庫各司官及浙江江西湖廣應  
天河南山東各省直巡撫并都察院轉行巡漕  
各巡按御史及漕儲道查照遵行外所有收支  
事宜及經管衙門相應覆

請以未遵守案呈到部該臣等看得錢糧至四十餘  
萬計數不爲不多矣卽

輦轂之下如太倉節慎等庫俱有巡視稽核乃輕費  
一項但聽坐糧司官自行收放實爲缺事且查  
向來支剩扣省每年尚解十五餘萬補湊邊儲  
近因拖欠支透過多非直解京寥寥每遇糧運  
急時且有朝不謀夕之慮矣臣於收支數目業  
屢經查覈且提解太倉充餉者又十餘萬祇以  
成例久沿仍舊貯通濟庫隨便應用徐圖別議  
而科臣改解太倉之疏倏先及之且節節釐弊  
言言中窾非但爲

朝廷定經制亦復爲臣部清出納

明旨謂這疏甚有清緒固已明見萬里之外矣除天

啓六年未完銀一十萬兩天啓七年未完銀十

一萬兩崇禎元年未完銀三十一萬五千六百

餘兩相應併行差去各官勒限嚴催附冊回

奏務期盡數全完不許仍前怠玩倘有過期不完

者容臣部會同該科逐項查叅其崇禎二年分

漕事用過錢糧見今嚴行通廳郎中丁流芳查

明造冊要見完過若干拖欠若干支銷若干贏

餘若干中間有無虛冒務俾收支合符撤總相  
投另行具

奏若解交分數應卽照科臣議每年該漕司以三  
分給押運糧道爲沿途支用之需事完造冊送  
部科查考倘有情弊聽該科題叅如有剩餘繳  
解京庫此外七分併河南山東銀兩俱應改解  
太倉照京糧例同三分餘銀及漕折銀俱另行  
收貯以備倉橋船壩等役脚價及各官旗鹽羨  
房水併每年例放折色之費有餘則通融充餉

拖欠則一體查叅卽

明旨所謂於該道名下追補者也惟是申請給發尚有可得而言者查得輕賚之類解通庫者所以一事權而便漕務也今三分支用已預付糧道隨船查給一切緩急盈縮業有該道爲政則通廳之便又無如糧道之便矣迨入關過津後在務關有管鈔司官在邊鎮有屯運司官在大通橋有管橋司官而在京倉又有京糧廳司官銀歸太倉則通廳之職掌不過與各司官相等以



各官所分管者而仍假手於通廳呈詳無論事勢旁掣卽時日亦不免耽遲耳合無分投責成如運役倉役工食等項衛官旗甲蠶羨等項內除通倉員役及外河船隻五閘水脚邊糧官旗仍聽通糧廳經管其京倉員役相應改屬京糧廳經管而河西務空運廳大通橋各船戶車戶亦應照例分屬如遇應支銀兩或查照舊額或查照見行事例或應該勻扣或應該扣省逐項查清呈詳臣部併總督衙門行雲南司覆覈無

弊一面出給執結赴戶科掛號一面查數卹庫  
給發年終同京邊銀兩一體

奏繳蓋向來通役密邇通廳往往多支預支致有  
近水樓臺之議而一切局外各役輒壓欠不貲  
曾不得希恩而望幸焉斯亦窮則變變則通之  
時也而尤計糧給價銷算清楚嚴禁濫觴務釐  
積弊有多請濫給者經承司官各以溺職之罪  
罪之又糧運盛行之時頃刻無待其應給者尤  
宜速給不許耽延遲誤力防書胥需詐之端無

滋運役守候之苦則尤輕賫對症之藥石耳夫  
奉堂劄則臣部得以稽覈掛執結則該科易於  
清駁分事權則各司屬互營責任況比例

奏繳則

天威凜冽之下稍有含糊安所容之庶科臣之條議  
不虛而歷年之痼弊其有瘳矣聞昔年輕賫先  
在通庫後亦曾改京庫未及數年又以不便仍  
歸通庫想亦當時奉行者之不善而非立法者  
之過也則今日更弦之始亦惟防微杜漸乃可

久耳至於輕賚派徵數目該漕司亦應于每年  
正月內同本折糧數及應上倉口一併類冊送  
部科查考斯實稽核之要務也既經該科陳  
奏前來相應覆

請恭候

命下臣部行文各衙門一體欽遵施行

崇禎三年三月初八日具 題本月初十日奉  
聖旨這輕齋支放分管責成依議行還着嚴催外解  
歲扣餘銀充餉欽此

題覆監允主事元之偉考覈疏

題爲差回復

命備陳允事當積弛之極與始事萬難之狀仰祈

聖鑒事雲南清吏司案呈三月初八日奉本部送

御前發下本部題覆蘇松常鎮監允廣西司主事元

之偉題前事等因奉

聖旨漕運遲悞總因起允愆期督催輕齎等項係監  
允職掌俱奉嚴勅何云有司玩視元之偉好生溺  
職且奏內開載止有完數並無欠數何名考覈還

着該部科查叅來看欽此欽遵到部送司恭誦

明綸合應會同戶科查叅具覆間又據本官原投文冊逐一銷算查得監兌過蘇松常鎮四府漕白遼糧共一百六十一萬一千七百四石二斗無欠任內經管金花京邊并加派雜項新餉見徵及接年帶徵銀一百六十六萬九千二百三十八兩九錢七分七釐八毫八絲二忽一微一纖八沙四塵九埃已完解銀九十六萬八千九百九十四兩七分五毫一絲五忽七微八纖四沙

三塵六埃未完銀七十萬二百四十四兩九錢  
七釐三毫六絲六忽三微三纖四沙一塵三埃  
至輕齋見徵并帶徵銀共二十六萬二千九百  
三十三兩四錢四釐九毫一絲八忽三微已完  
解銀十萬二千二百六十六兩一錢六分七釐  
一毫四絲一微一纖八沙六塵未完銀一十六  
萬六百六十七兩二錢三分七釐七毫七絲八  
忽一微八纖一沙四塵以上完欠數目相應併  
覆案呈到部該臣等會同戶科都給事中玄默

看得東南正供漕糧輕賚與金花京邊新餉並重而監兌司官催漕糧輕賚與催金花京邊新餉並急原題除漕糧督催早兌按期開幫外其見徵帶徵起運一切錢糧俱要各立項款見徵務要全完帶徵務及分數有司不得視爲贅疣故爲延緩部臣不得視爲傳舍急于弛擔有違玩不完者會同撫按查叅此載在議單奉有

特勅監兌各官所當竭力兌運盡心查催以期仰副欽命恪供厥職者也差完考覈卽以此課殿最遵行



在案今查蘇松監兌主事元之偉任內督催漕糧如上海縣遲至七月方始報完已屬遲悞其金花京邊新餉及輕賚各項錢糧通計見徵帶徵共該一百九十三萬二千一百有奇已完一百七萬一千二百六十餘兩爲數似亦不少未完八十六萬九百餘兩爲數尚存見多雖蘇松常鎮賦役煩重節年逋負習爲故常本官亦曾特疏糾叅但當監兌久廢初復之始曾不能轉遲而爲速轉欠而爲完亦何能免於溺職之咎

也臣前所擬罰俸一年委未盡辜合無將元之  
偉酌量降調用懲溺職以警將來庶考核清肅  
而賞罰彰明矣既經會同查叅相應覆

請恭候

命下臣部移文吏部等衙門一體欽遵施行

崇禎三年三月十三日具題本月十六日奉

聖旨元之偉督允愆期且輕齋等項欠數尚多既經  
考覈着降二級調外任用以後有司官憍玩自負  
催督不前的監允官不時糾叅該部知道欽此

燒燬漕糧官旗船戶分賠疏

題爲奴虜燒燬船糧事雲南清吏司案呈二月二十四日奉本部送

御前發下本部題前事奉

聖旨前據兩司官報燬糧三萬有餘今丁流芳查報  
燬糧七千餘石劉孔敬如何不詳報船數米數語  
意含糊着按漕御史再行確覈司官專管督運何  
得盡諉官旗船戶分賠還另議具奏欽此欽遵卽  
移咨都察院轉行按漕御史及劄通聽務關備

行查議去後隨准巡漕御史潘士遴手本回稱  
查得本院正月初二日疏稱燒空糧船者專指  
僨運職掌內之漕船而言彼時但知務關上下  
四千重運糧船不曾被燒不勝慶幸止有把總  
駱懋昭親報漕船并糧被虜燒燬已經本院立  
辯其誣而去此外並無報燒糧正月初十日有  
把總李遂桑秉平報到剝船糧米被燒十二日  
具疏專指廳關職掌內之剝船而言正月十八  
日准務關二月初一日准坐糧廳各移會本院

者俱稱燒燬係已上剝船糧米今二司報部者  
但稱係燒燬船糧未曾明白聲說已起在剝船  
糧米被燒字樣是以互異等因又准本院手本  
開稱查得本院原報燒燬漕船九百五十三隻  
俱係空船天津海防同知王秉衡查報猶恐未  
的復行漕儲道確查報稱九百七十八隻比三  
同知所報多船二十五隻者則併通州至張家  
灣一帶故也等因到司查覆間三月初五日又  
奉本部送巡漕御史潘士遴題爲遵

旨回話事奉

聖旨據奏燒燬船糧尚無的據前部議官旗分賠已  
有旨着另行查議如何尚不回奏這疏着該部一  
併催覆欽此欽遵除亟行查催外又奉本部送據  
河西務鈔關主事劉孔敬呈稱舊冬奉

旨敲冰剝運一切糧剝盡僭至蕭家林值寒風冰合  
不前當卽檄行衛官嚴責旗軍船戶急收窖藏  
無奈奴虜驟至富河船戶驚竄奉行無人故有  
及搬運有未及搬運者被燒無糧空船一百八

十三隻有糧重船一百六十五隻計糧二萬四千七百五十石除搬運窖藏米二千零六十六石外實燒米二萬二千六百八十四石此拘各船戶研審而得之者巡漕潘御史開報者據漕船而言未及剝船也職初次不及糧數者查未的也繼得數卽行詳報嗣後未敢復詞也及查所燒之糧係杭州袁州泰州鳳陽揚州蘇州金吾荊州南昌等九衛所之糧也又查被殺船戶陳魁等十六人旗軍王洋等三人被擄船戶趙

應賓等三十五人旗軍張學等七人遺燼昧目  
橫屍夾岸令非狂奴毒焰何以至此卽間有船  
戶侵漁亂民搶掠官旗吞食鼠竊職方子守務  
關實無能越境而目擊之也舊例糧入剝船尚  
未入倉則旗軍與船戶共相協守地方隣佑互  
爲巡邏如弊在船戶則賠補應屬船戶如弊在  
亂民則賠補應屬地隣如弊在旗軍則賠補應  
屬旗軍職雖有催剝之任而實無監守之司變  
出意外勢難遠及據事原情當亦爲



聖明所隱念也等因并將殺擄船戶旗軍花名各裝  
船糧數目備造冊報到部又奉本部送據坐糧  
廳郎中丁流芳呈稱查得燒燬有米剝船五十  
六隻計米七千三百三十一石先次呈報已詳  
言之矣今據兩壩委官王炤孟養浩管應律確  
查冊報船戶被殺者王忠等八人被擄者薛方  
等三十人旗軍被殺者章貴等十三人職廳職  
司催備行文放藏之外力無所施然米未入倉  
官旗其主守也船戶其傭人也津兵其護衛也

隣河州縣畫地分疆皆有防護之責也且里  
泗以北屬職廳分催地方里二泗以南屬務關  
分催地方今所焚七千之糧雖係職廳發釐而  
凍阻之處皆里二泗以南此又分催之有別也  
及歷查舊例漂流火燬皆責官旗免尖攤補今  
以虜燬之糧總在本部主持業呈督部蒙批糧  
米在船尚無交倉船戶官旗俱有典守之責不  
國藏而供烈焰其罪均也但官旗責尤重耳責  
令與船戶四六賠官完繳今奉前因備造被殺

被擄船戶官旗花名米數冊報前來查得通廳  
務關冊開船戶旗軍有同船而俱被殺擄者有  
止殺擄船戶而未及旗軍者亦有止殺擄旗軍  
而未及船戶者在務關共計殺擄六十一人在  
通廳共計殺擄五十一人既經漕院及通廳務  
關各開報前來相應具覆案呈到部該臣等看  
得剝運船糧各有專責查據務關主事劉孔敬  
開報被焚重船一百六十五隻燬米二萬二千  
六百八十四石係船戶楊仲銀等裝載杭州袁

州鳳陽揚州蘇州今吾荊州八衛所之米也據  
通廳郎中丁流芳開報被焚重船五十六隻燬  
米七千三百三十一石係船戶沈汝桂等裝載  
南昌武昌德安三衛所之米也既稽覈於發剝  
之文簿又研審於經手之船家則焚燬情節似  
亦近真矣但巡漕潘御史所報被燬之空船原  
是漕船而兩司官所報被燬之重船却是剝船  
祇緣當日未及聲說明白致煩

明旨之詰問也今據兩司官開報糧數及船戶旗軍

被殺被擄者俱有的據且與漕臣查覈無異夫  
漕船一入剝船則船戶不得辭典守之責雖入  
剝船而尚未進倉則官旗亦不能卸輓運之責  
况三萬糧米豈盡燒燬以至顆粒無存其間乘  
機竊取者安保必無卽蕭家林船戶李文升撈  
濕米以換好米而偷盜之情便可類推矣及查  
歷來漂流火燬之米皆責各官旗完尖攤補則  
賠補之法亦有往例可援是以臣前疏除殺戮  
有據者姑准饒免其餘責令見在官旗與分剝

船戶各賠一半亦情理之當然耳乃督臣又有  
四六均賠之說欲令旗軍賠六分船戶賠四分  
蓋旗軍猶有漕船別米可糴贏餘而船戶則資  
乏徹骨也又或照災傷改折之例不追米而追  
銀每石五錢以爲放折之用則軍民稍易爲力  
矣今查被殺擄旗軍船戶在務關六十一名該  
米三千九百石在通廳五十一名該米三千二  
百四十四石二斗通計該米七千一百四十四  
石二斗旗軍船戶或暴骨河邊或羈跡異域身

之不存糧於何有似應豁免以甞

皇仁其未遭殺擄者在務關該米一萬八千七百八十四石在通廳該米四千零八十六石八斗共該米二萬二千八百七十石八斗應照督臣之議船戶旗軍四六均賠無容再計至于督運司官劉孔敬丁流芳當屠城殞將之時而爲沉船窖米之計保全百萬不可謂非其功而灰燼數萬亦不可謂非其罪卽兇鋒烈焰之中難責以蹈火救焚之術而事任攸關自不得不爲職掌

受過也第今漕務未竣料理方殷相應查照燒  
過米數多寡分別從重罰治或分別量降職級  
照舊管事俾令拮据以結漕輓之局仍將前項  
應賠米石責令戴罪嚴追還官務期通完於懲  
創之中寓策勵之意思恩威總出

聖斷非臣部所敢擅議也既經漕臣及務關通廳各  
開報前來相應覆

請恭候

命下臣部行文各該衙門一體欽遵施行



崇禎三年三月十四日具

題本月二十一日奉

聖旨這燒燬漕糧除豁免外依議攤賠劉孔敬等着  
戴罪督運完日議請定奪欽此

就近補差蘇松監兌疏

題爲就近補差監兌官員事雲南清吏司案呈三月十一日奉本部送戶科抄出巡撫應天等府地方都察院右副都御史曹文衡會同按臣王道直題爲奉差監兌官員等事奉

聖旨戶部知道欽此欽遵通抄到部送司案查崇禎二年九月內該本部題查得舊例每年題差司屬官五員前去浙江江西湖廣蘇松常鎮山東河南各水次監兌漕糧及查催見徵帶徵各項

錢糧萬曆三十七等年因爲省官省費遂議裁革至崇禎元年十二月內該巡倉御史宋師襄條議漕政七款隨奉

聖旨監兌官查係

祖制仍與題復以專責成欽此該本部查照節年單例斟酌時宜題復監兌以飭新運仍臚列五議以補未盡事宜一曰酌定差員二曰申明職掌三曰兼催折色四曰崇重事權五曰滌除陋規周歲差滿照例考覈稱職有優擢無灰任事者

之苦心不稱職有明罰無忝貪惰者之巧計則人爭淬勵以共副任使等因題奉

聖旨監兌新復規條宜飭這條議各款俱依議仍着爲功令畫一遵行務裨漕政以裕國計該衙門知道欽此欽遵通行去訖及查崇禎三年起運二年分漕糧監兌官員于二年九月內題差各官請給

勅書各賫往該地方監兌漕務在卷今奉前因合應具覆案呈到部該臣等看得漕糧徵於東南輓

於西北一切有司之輸將官軍之領運惟本部  
司屬監督是賴今蘇松常鎮監兌主事丁自勳  
忽報物故料理須人撫按二臣留心

國計暫將監兌事務委令糧道代理所懸前缺誠  
恐臣部題差遲悞議用許墅鈔關差滿主事林  
日瑞就近補任轉當地之差官理當地之漕務  
駕輕就熟遊刃有餘在候兌者早慰雲霓之望  
在奉差者亦免道路之淹深爲有見合應照議  
將主事林日瑞就近補差蘇松常鎮四府崇禎

三年監兌請給

勅書一道一切漕輓催餉事宜胥照單例開載舉行  
似爲妥便既經撫按會題前來相應照議覆

請恭候

命下臣部行文各衙門一體欽遵施行

崇禎三年三月十六日具

題本月十九日奉

聖旨是欽此

覆班軍鹽菜犒工不得冒破疏

題爲議裁同寺蠹冒錢糧以清弊竇事雲南清吏司案呈奉本部送戶科抄出巡視京營禮科等衙門給事中等官閻可陞等題前事等因奉

聖旨皇賞特典春秋班不妨均給但附賞在薊遼止應補給遼人萬餘工部所發二萬四千是誰領受該部查明奏來勇士四衛軍伴照三大管折銀以杜役占係萬曆九年題准不必議革鹽菜犒工銀宜按時給散役過補發必有攬冒情弊該部設法

清覈具奏該衙門知道欽此欽遵抄出到部送司  
奉此查得班軍

皇賞應聽工部查覆外其鹽菜犒工銀兩本部例據  
兵部職方司開送應支數目到部卽照數劄行  
太倉銀庫給發其散給之先後軍數之多寡例  
不與聞今查崇禎元年春秋班軍鹽菜銀兩及  
天啓七年崇禎元二年犒工銀兩事隸兵部隨  
該本司呈奉堂批咨查去後第事關錢糧因革  
未敢輕易議覆節經移查今於本月初九日准



兵部職方司手本開稱准本司主事祁逢吉手  
本內稱查得班軍鹽菜犒工銀兩節年爲做工  
未完不便攢數造冊及工完之後各都司領工  
委官方行造冊投遞本差逐一查算明白印送  
工程科院衙門掛號存案始行文各該衙門關  
領轉展掛銷其不得不後時給散者勢也等因  
轉會到司准此相應具覆案呈到部該臣等看  
得班軍鹽菜犒工銀兩數雖分釐積累千百當  
此三空四盡之時一鎰一銖豈容虛糜今查做

工班軍內多僱覓影射及至支給鹽菜等銀俱照原額虛糜已多況支領多不於在工之時而于出京日久之後其不充貪弁之囊而入積棍之手者幾希矣嗟嗟此何時也而令

朝廷公帑之金錢盡潤奸猾之私橐乎巡視有慨于衷臚列條議真救時之確論也除從前應支前項銀兩准兵部移稱在干未奉

旨之先俱支領訖無從清覈其以後班軍應支前項銀兩務于供役之日覈實冊報按季按月當面

給散以飽貧軍而照

德意如或報領後時仍踵役過補給之故智卽係冒  
破槩行停給永著爲令則耗蠹清而虛冒自杜  
矣旣經科臣條議前來相應覆

請恭候

命下臣部行文各該衙門一體欽遵施行

崇禎三年三月十六日具

題本月十九日奉

聖旨依議行欽此

覆津部查叅凍糧官旗掛欠極多疏

題爲凍糧官旗掛欠極多預巡復衆懇乞

勅下嚴行提比併查釐羨等銀及大小患漂流的數  
以便追補事雲南清吏司案呈本年二月初四  
日奉本部送准總督倉場咨前事等因到部送  
司案查先該天津部院崔爾進題前事奉

聖旨這凍糧軍弁覲覲截留觀望不前已爲侵欠張  
本除真正漂流及釐羨等項查補外都着嚴比巡  
的行該撫按提追內余禹會押運幾二萬石身來

親來尤屬玩法着立限提解來津究問補運糧數  
議覆該部知道欽此又該督餉省直巡按監察御  
史錢士貴題同前事奉

聖旨已有旨了該部知道欽此欽遵通抄到部送司  
查得疏開欠糧官旗應有簞羹等銀及大小患  
漂流米數并各官旗掛欠漕糧先以新糧補運  
而以追完實數留充來春頭運及尖耗晒場等  
項事宜俱移咨總督倉場衙門及劄坐糧廳并  
移付新餉司查議仍咨天津部院將脫逃官旗

查明籍貫移文該省撫按提追去後隨奉本部  
送據管理坐糧廳郎中丁流芳呈稱各官簞羹  
等銀總取給於輕濟而簞夫銀又無定例惟聽  
漕院漕道視河道之險易分爲上中下三等酌  
請定奪然後俟准標全到各官運竣查完糧者  
散給未完者扣抵今各弁又未投文憑何銷算  
起解等因又該津部咨據遼餉道僉事張志芳  
呈稱原題東糧三十三萬及撈發到津實數止  
三十二萬九千六百七十八石八斗五升除實

收過三十萬一千一百九十四石二斗四升零  
外及算各衛官旗掛欠漕米共二萬八千四百  
八十四石六斗一升至於三十三萬之數又缺  
額三百二十一石五斗及拘審各官俱稱有簞  
羨月糧等銀在庫可抵又有大小患漂流開銷  
卽有零星拖欠俱在旗軍等情該本道看得津  
門所留漕糧自開運以來止以實收之數爲主  
收一石卽發一石如有掛欠的係通糧廳追比  
銷算近奉本部新行着令津門追比據各運官

供稱有簞美等銀可抵今通廳所云則簞美已  
屬烏有又云有漂流之數此在中途疎失津門  
不得與聞開銷至于拖欠旗軍駕空脫逃回南  
今雖移文原籍拘提又皆遠在數千里之外烏  
散兔脫往返動經數月何能一攝卽至且先時  
掛欠止以數千計今歲獨多者蓋以舊例正改  
兌尖耗之外止加免晒揚米一升今新例每石  
加免晒揚米五升以致額數益夥與其浮增追  
比無益之積逋曷若仍舊求實之易完惟以二



萬八千有餘之逋負粒粒作爲本年額運之急  
需以三項茫無着落之虛帳欲完目下見允之  
正額相應呈明從長酌議務俾先完今歲之運  
額然後徐圖追欠之定局庶邊儲

國計兩無虧悞等因到部復咨督部併議去後隨  
該督部咨稱漕糧邊餉職掌攸分以漕易遠京  
儲已受其虧而又借漕補欠侵蝕奚底於極根  
本重地見今匱詘已甚補濟無術剗肉補瘡自  
敝之道期期知其不可至追此一節又奉

明旨若使津受其成而此代爲比則遼糧之還倉者  
掛欠亦不可以數計而又誰代爲追比也惟是  
簞羹補欠雖有成例而彼旣省入京道路之費  
又妄窺

公帑涓滴之餘况其標銀多逋通庫垂空亦難倚  
辦於緩急之際邊若夫尖耗免晒科算原有成  
議及大小漂惠的數均候部覆無庸再贅等因  
於本年七月初一日到部送司查得前項截留  
漕糧文內不分正兌改兌遼糧項款數目無憑

查算尖耗確數難以具覆復行移咨津部查取  
細數文冊於本年八月初六日到司又查得冊  
開運官朱邦齊一項米數全單與督部派撥互  
異復咨督部備查去後節行咨催今督部回稱  
行據京糧廳趙主事呈稱內部米數與津門不  
投因津冊未到無憑查算該職復經差役守催  
今據兵管二糧廳冊開前來逐一算明回報到  
部相應咨覆等因于本年二月初四日到部送  
司又查得先准新餉司付稱截漕掛欠一事先

該貴司移付前來該本司將掛欠漕米於通津  
二倉多買米及存貯米共一萬三千二百六十  
二石撥補後津倉又額外多買米二百五十八  
石一斗三升七合九勺近又報有羨餘米一千  
石則掛欠之數止一萬四千餘矣昨閱邸報督  
師東島需米甚亟一疏已奉有官旗掛欠着那  
見糧抵解之

旨除一面咨行撥補題覆外合先移會等因在案至  
今未知將何項見糧抵補亦未知作何題覆復

行移查去後今於二月二十三日准新餉司  
稱前事於去年八月內咨行天津部院會查作  
何撥補去後至今未准咨覆無憑會復但事屬  
漕糧應聽貴司酌覆等因回付前來查得前項  
事宜難以久候該本司將原疏內事宜通行查  
算查得巡漕楊御史具題大患漂流一節該本  
部覆准前項截留官旗內止儀真衛指揮朱邦  
齊五百石二斗一升寧波衛千戶葉應鳳二百  
三十二石三斗五升廣洋衛指揮聶志伊八百

二十六石橫海衛千戶薛震東二百石共漂流  
米一千七百五十八石五斗六升此外並無題  
免亦無小患漂流之數又查得崇禎二年原題  
春截東糧三十三萬石先截鳳陽衛蕭鳳翔太  
倉衛林有聲儀真衛朱邦齊寧波衛葉應鳳等  
四幫共正兌米一十二萬四千九百六石五升  
二合改兌米一萬六石七斗三升五合耗米九  
千一百四十三石六斗九升三合四抄尖米六  
千五十石三斗七升二合一勺六抄一撮六圭

八粟免晒揚米七千五百五石三斗四升二合  
六勺一抄八粟四粒遼米一萬七千九百八十  
一石五斗八升九合七勺五抄耗米四百四十  
九石五斗三升九合七勺四抄七圭五粟通共  
正改兌遼尖耗免晒揚米一十七萬六千四十  
三石三斗二升四合三勺五撮五圭一粟四粒  
內除朱邦齊葉應鳳漂流米七百三十二石五  
斗六升外實該米一十七萬五千一十石七斗  
六升四合三勺五撮五圭一粟四粒除完兌過

米一十六萬二千九十五石五斗七升九合二  
勺六抄五撮五圭五粒外實掛欠米一萬三千  
二百一十五石一斗八升五合三抄九撮九圭  
六粟四粒又後截岳州等衛軍任重等一十九  
幫共正兌米八萬七千七十八石八斗一升八  
合改兌米一萬三千八十九石一斗六升七合  
耗米六千六百一十九石八升三合九勺四抄  
尖米四千四百八十五石五升六合八勺九抄  
五撮四圭八粟免晒揚米五千五百六十三石



六斗六合二勺九抄一撮七圭七粟四粒遼米  
三萬五千九百二石二斗四升九勺耗米八百  
九十七石五斗五升六合二抄二撮五圭通共  
正改兌遼尖耗免晒揚米一十五萬三千六百  
三十五石五斗二升九合四抄九撮七圭五粟  
四粒內除廣洋衛聶志伊橫海衛薛震東大患  
漂流米共一千二十六石外實截米一十五萬  
二千六百九石五斗二升九合四抄九撮七圭  
五粟四粒除完兌過一十三萬九千九十八石

六斗六升九合二勺四抄二圭四粟二粒外實  
掛欠米一萬三千五百一十石八斗五升九合  
八勺九撮五圭一粟二粒先後二截通共正改  
兌遠尖耗免晒揚米三十二萬九千六百七十  
八石八斗五升三合三勺五抄五撮二圭六粟  
八粒內除朱邦齊等四員大患漂流准免米一  
千七百五十八石五斗六升實該米三十二萬  
七千九百二十石二斗九升三合三勺五抄五  
撮二圭六粟八粒今查共完過三十萬一千二

百二十九石九斗四升九合七勺一抄九撮七圭四粟七粒共少津門額米二萬八千七百七十石五升二合八抄二圭五粟三粒除補米一萬四千五百二十石一斗三升七合九勺外止欠米一萬四千二百四十九石九斗一升二合三勺八抄二圭五粟三粒查關解運務業已

奏繳歸結不必再爲抵補其官旗掛欠米二萬六千六百九十石三斗四升九合七勺一抄九撮七圭四粟七粒應令速赴坐糧廳投文銷算果

有應領簞美銀兩卽行扣抵餘欠嚴行追比不得仍諉津門兩處躲閃以滋奸弁拖延之計至於脫逃官旗余禹會等先經津部移文原籍提追至今尚未完報應催該撫按嚴限提解來京具奏註銷案呈到部該臣等看得漕糧關乎

國計升合不容假借祇因遼米召買不前每年借給於漕糧雖有抵還之數而漕受其虧累多矣崇禎二年原題春截漕糧三十三萬石先該督部派撥米三十二萬九千六百七十八石八斗

五升蓋以銀正加耗絲耗加尖外加免晒場米  
五升科算總計而得此數也今查除朱邦齊等  
四員題免漂流米一千七百五十八石五斗六  
升外實該米三十二萬七千九百二十石二斗  
九升三合三勺五抄五撮二圭六粟八粒除官  
旗完兌過米三十萬一千二百九石九斗四升  
九合七勺一抄九撮七圭四粟七粒外如以津  
門三十三萬之數而論則缺額二萬八千七百  
七十石五升二合八抄二圭五粟三粒再除補

過一萬四千五百二十石一斗三升七合九勺  
外實少米一萬四千二百四十九石九斗一升  
四合九勺二抄五撮三圭今查關鮮運務津門  
業已通完

奏繳似不必再爲抵補矣惟是官旗掛欠米二萬  
六千六百九十石三斗四升三合六勺三抄五  
撮五圭二粟一粒日久未完尚以晒揚五升之  
例奉文在後不能全完爲解夫京通漕糧俱正  
兌加二五進倉改兌加一七進倉此舊例也入

倉晒揚繁費尤甚津米就近截留每石議收免  
晒揚米五升亦不爲過而規規欲求倖免者何  
哉夫使其果不可完也則鳳陽蕭鳳翔等七衛  
亦不宜有五升全完之事矣何獨於儀真朱邦  
齊等各衛而獨欲徼寬政也夫已完者不見有  
利而未完者不見有害則人何憚而不掛欠亦  
大非畫一之法矣今宜責令各弁遠赴通糧廳  
照例投文銷算果有應領簞羹等銀卽行扣解  
太倉餘欠各行倉場并劄京糧廳嚴爲追比限

四月內盡數全完不得仍該津門兩處躲閃俾  
奸弁反得恣其夤緣影射之計至于脫逃運官  
余禹會等亟催各該撫按限四月內提追完解  
無容輕縱庶

國計有裨而法紀不致弁髦矣既經督餉部臣具  
題復經總督倉臣議覆前來相應覆

請恭候

命下臣部行文各該衙門一體欽遵施行

崇禎三年三月十六日具



題本月十九日奉

聖旨軍并掛欠其扣抵追解等事依議以後事關錢糧疏須簡明以便披覽欽此

恭報新糧抵關疏

題爲恭報新糧抵關以慰

聖懷事雲南清吏司案呈本月十五日奉本部送據  
河西務鈔關主事劉孔敬呈據大河衛運糧指  
揮徐之鳳呈報本衛領兌山東濟南府德州等  
州縣崇禎二年分秋糧粟米兌運正糧一萬九  
千石應在昌平鎮邊倉上納又州縣民戶自兌  
自解正耗平米六千六百五十石管押抵關前  
進等因查係今歲新運首幫轉報到部送司案

照先該總督倉場本部尚書孫居相題爲恭報  
京倉糧米實在之數併酌省直漕糧至京之期  
等事內開山東河南漕糧單例原限三月分完  
納今歲山東限二月末旬河南限三月上旬務  
如數全完如期盡到如船不敷卽雇民船裝運  
等因業奉

欽依通行在案節該本部嚴檄各該衙門上緊催攢  
去後復該戶科手本內開山東原限二月末旬  
河南原限三月上旬

銀限已迫頗爲行文二省漕臣嚴催早完如有稽遲  
據實糾叅等因前來該本部復行亟催去後三  
月初一等日准山東巡撫王從義咨稱大河淮  
安等衛見在船隻領兌德州歷城等州縣糧米  
于二月初六等日開行訖其餘衛所船隻未到  
水次者各州縣自雇船隻裝運開行頭幫船隻  
約二月末旬可抵通州又據山東監兌司官焦  
觀祖呈稱歷城等六十九州縣正耗糧米三十  
萬石盡數兌完于二月十八等日先儘民運輕

載一十九萬石開幫北行其持重運船一十八萬石淤淺難行一面亟催挑濟星夜急行又據河南糧儲道右叅政夏時亨呈稱所屬漕糧于正月二十九日開兌至二月三十日止共兌過正耗糧米三十萬六千八百九十六石臨清等衛所船隻於二月十三等日開行淺剝民船共五百四十二隻缺少船隻俱本道代募通完見今頒兌裝運隨幫續發本道尾押催儺飛輓北行似可不悞三月上旬之

欽限矣合先呈報等因在案今據務關呈報前因相應具題案呈到部該臣等看得歷年以來漕輓愆期中途凍阻倉儲漸匱

國計堪虞如山東河南漕糧舊例雖限在三月每年遲至六七月方到甚且有守凍者今歲督臣孫居相有疏酌定首直漕糧至京之期山東限二月末旬河南限三月上旬違者以失誤軍機論幸賴

聖明留神採納奉有

嚴旨申飭臣部并戶科屢檄督催於是山東漕糧據撫臣及監兌開報正耗米三十七萬石俱於二月內盡數兌完河南漕糧據糧儲道開報正耗米三十萬六千八百餘石亦於二月內盡數兌完今務關主事劉孔敬且報山東頭幫於三月十五日已抵關矣二省新糧共計六十餘萬行將鱗次抵通則全漕四百萬皆將轉遲爲速不難視遠若近此實爲之兆矣雖督臣先事之謀實爲蒿矣若非

皇上銳意振刷禁令精明何能頻挽頽習而飛輓神速一至此也從此依期入倉儲蓄日富則

宗社如天之福矣既係新運首幫抵通又經務關司官開報前來相應具題伏惟

聖明電詔施行

崇禎三年三月十九日具

題本月二十三日奉

聖旨這新糧到京已有期限如何至今尚止首運抵關着速行催餉仍將違限各官着該科記了俟完



糧日奏奪欽此

河道淺阻乞亟疏通疏

題爲河道淺阻乞亟疏通以速飛輓事雲南清吏  
司案呈奉本部送據督催轉運員外郎朱萬年  
呈前事內稱奉本部題奉

欽依差職巡行河干凡遇淺處可設法疏濬者卽督  
衆船幫剝無不盡心竭力昨繇通放舟而下見  
暴風時作天旱水涸河道日淺一日如郝家堡  
里二泗馬房張家莊王家擺石灰廠楊家凹公  
鷄店等處皆苦於塞而馬房一處則其淤塞之

甚者也目擊百餘船壅集勢必魚貫方入前船  
一阻則隨後百十餘船皆阻一尺之水安能載  
重舟而行職雖督令淺夫雇覓鄉民幫拽費盡  
一日工力止渡一淺及查本地方設有淺夫五  
十餘名淺頭則武道陳四也管淺千戶則蔣大  
晏也安受錢糧坐視停閣而置不問所當嚴加  
究處爲怠事之戒也近奉

功令森嚴切責速運務關通壩誰敢一刻稽悞而  
沿河阻滯勢難前進往來非需半月不能一輪

職憂心如焚將何以爲迅速之策查淺阻地方  
原立有淺夫河官督押剝運除額設錢糧外仍  
照地畝派夫查地方則通州所轄而河道則滹  
縣所轄往年協濟料理今何廢格不行也又查  
舊例淺阻挑濬係工部職掌懇乞移咨工部責  
令管河各官亟行疏濬仍督通州滹縣同心戮  
力將所轄淺阻地方及原派淺夫揀委勤慎文  
武官每處一員督各鄉民每遇糧船一到卽行  
速剝毋使多船壅集稽遲運務仍將悞淺官役

行該管衙門重治其於運法未必無小補矣又  
該坐糧廳郎中丁流芳稟稱數日以來米囤漸  
遠河水漸涸風狂沙溜飛輓艱難遇淺必兼數  
船之夫併力一船交相挽拽而抵壩者尚且寥  
落無幾身在事中每見運數較少憂心如焚苦  
無輓輸神術不得不以實聞各等因到部奉批  
雲南司一面移咨亟行疏濬一面具題奉此查  
得漕河淺阻梗塞速當挑濬疏通以濟糧運除  
卽呈請移咨工部速行該地方河道分司并武

清香河鄆縣通州星速親行踏勘督責委官淺夫凡有淺阻等所竭力挑濬挿標挽拽外合再具題申飭案呈到部該臣等看得漕儲關軍

國命脉河道係糧運咽喉議單開載河西務至通州一帶分爲四節河西務至舒鷄淺委武清縣管河主簿謝家淺至李家淺委香河縣縣丞白阜圈至馬房淺委鄆縣典史王家淺至石土壩委通州同知各領淺夫一百五十名兼用軍民淺夫照地嚴督挑濬遇船阻淺併力挽拽送過

信地遇而復始如有賣放軍夫管河郎中卽每  
查叅是額有錢糧設有淺夫立有委官而管河  
郎中則司督責者也往例昭然各宜遵守况今  
糧運之急百倍往時乃至水淺舟膠飛輓不前  
則原派錢糧并原設淺夫作何着落如該淺官  
蔣大晏夫頭武道陳四等不行疏濬坐糜錢糧  
良可恨也臣部仰體

聖心焦勞多方圖維百計督催興得舊運盡入倉庾  
新運又復流通以裕軍

國之需用釋

宵旰之慮乃剝運正爾盛行河水忽然淺阻當此萬分緊急之時寧作悠忽延緩之視所當仰籍

天語申飭疏濬蚤期共濟者也抑臣因是而慮及于沿河一帶自儀真起至天津以北河道閘壩堤岸凡有淺阻處所亦宜均爲疏濬以待糧運各該管河官員責任攸關如有怠惰從事以致臨期悞運者聽總漕巡漕御史指名叅奏庶運務克濟而



國計攸賴矣既經督運司官具呈前來相應題

請恭候

命下臣部行文工部總漕都察院轉行各該衙門一

體欽遵施行

崇禎三年三月二十一日具

題本月二十三日奉

聖旨運河寬淺設有官夫錢糧何得坐糜廢事管河  
郎中所司何事姑着戴罪挑濬仍將蔣大晏等重  
加懲治其協濟州縣并須同心設法疏濬勿悞遲

期仍通飭南北預行料理違玩的聽漕臣叅治該  
衙門知道欽此

覆成國公運漕增額疏

題爲糧運愆期陸輓增額共圖急公以竭悃誠事  
雲南清吏司案呈本年二月二十三日奉本部  
送戶科抄出後軍都督府掌府事少師兼太子  
太師成國公等官朱純臣等奏稱前事奉

聖旨糧運以遲悞增費說得是所輸運價銀兩着照  
數查收奏內每漕米一石多餘米二斗五升作何  
支銷着該部明白奏來餘款并採用具覆該部知  
道欽此欽遵抄出到部送司除捐助運價銀六百

兩劄行太倉庫查收外其疏開漕米一石多餘  
二斗五升作何支銷并各款事宜應否採用移  
咨督部及劄行京糧廳查議去後今奉本部送  
進督部咨稱行據京糧廳郎中宋治寧呈稱移  
會舊太等六倉監督宋員外等查得漕米一石  
原加二斗五升起運至倉而非二斗五升入厥  
也查成化十三年題

准每正兌一石該原兌尖耗米二斗五升改兌一石  
該原兌尖耗米一斗七升隨正數進倉以備晒

揚其上倉鼠耗每石兌運七升改兌四升此耗米之所從起也至每石入廩一尖一平收受萬曆二十五年巡倉御史汪以時題

准各倉監督收受糧斛每石明加尖米四升二合俱用平斛收受此四升二合尖米之所從起也其耗米七升照廩糧挨陳支放每年遞減米一升減至三年而止餘皆作正支銷其尖米四升二合萬曆四十年間議放正糧一萬石加放尖米二百石名曰存尖雖有耗米尖米之分總之作

正支銷每米一石以一斗一升二合收受  
一石一斗一升二合支放至若運官一石二  
五升進倉除一斗一升二合入厥外尚有一  
二升八合以備晒揚之費米若粗惡則一斗三  
升八合尚不足晒揚之費間有米色乾潔則晒  
揚不甚虧折納剩餘米仍屬運官領用萬曆二

十七年題

淮自二十八年爲始凡有旗軍納剩餘米係京通二  
倉者聽通廳動支輕賚官銀查照時價給價收

買俟各衛有起欠掛欠呈請照數撥補扣價還  
官若收買數多卽將用過官銀徑自開銷米作  
實在此從來區處餘米之法至於今歲題

請正兌以一石二斗入倉改兌以一石一斗二合入  
倉隨時斟酌亦不拘於往例等因據此爲照每  
糧一石以二斗五升入倉所以備盤剝晒揚之  
折耗也及晒揚旣畢止以尖耗一斗一升二合  
入厰與正米俱作正支銷倘有餘剩則本運官  
領回據議歷有題

准單例並無他弊至於餘款採用合聽貴部主裁等  
因到部送司相應具覆案呈到部該臣等看得  
漕糧一項有正兌改兌之分正兌一石原兌尖  
耗米二斗五升隨正數進倉內除耗米七升尖  
米四升二合共計一斗一升二合入厰挨陳支  
放每年減耗一升減至三年而止餘皆作正支  
銷其餘一斗三升八合以備盤剝晒揚折耗如  
有剩餘盡歸運官至於尖米每放正糧一萬石  
卽加放尖米二百石支銷俱無隱沒改兌一石



原兌尖耗米一斗七升亦隨正數進倉原無二斗五升之數內除耗米四升尖米四升二合共計八升二合其遞減支銷及備晒揚等項俱如正兌之例又晒揚所餘者近議用價收買入倉此進倉入厰支銷之項款也今歲因虜倣突聞運入附近城堡多藉官旗之力臣部題議每石量免入倉五升正兌以一石二斗爲額改兌以一石一斗二升爲額其凍糧未入城堡者不在此限則餘米之所存者寡矣及查往時積貯充

裕委有出陳入新之例今倉儲空匱俱隨收隨放尖耗盡作正數升合俱有着落非漫無稽覈而化爲烏有也惟是尖米一項每石以四升二合爲數從來止放存尖二升餘二升二合卽備作盤併折耗亦係題奉

欽依定例嗣因各衛所漂燬數多無可攤補遂將此項尖米題

准攤挖補作漂燬額數卽間有贏餘在各倉俱收入掃積項下按季呈報年終類題歷案可查今後

合無將此項米除它抵外但有剩餘俱令作正  
支銷不得株守往例仍留二升二合之耗所有  
掃積數目亦只據實開報無復取盈往例可也  
若夫因凍阻而陸運因陸運而增費誠有如勳  
臣所云但稽悞之責屬之水次漕臣屢經露章  
臣部無能縮地也至

祖宗朝設立總兵自有深意嗣後議裁亦非無說臣  
亦不能代兵部而操修復之柄也車戶運米一  
石二斗五升止作一石給價原係從來水陸二

運舊例非今創始脚價每一百里舊例水運止  
三四分陸運止一錢三分今歲議給一錢八分  
若踰百里之外照道里遞加用示鼓舞議價原  
屬優厚

舊制難盡更張故所運米仍照漕規仍加二五引門  
斛之成說爲惜費之苦心耳逮於支放一以平  
斛爲準原題甚明事完銷算而非含糊了事者  
也衙役夫頭需索津潤乃積習之相沿亦難保  
其必無臣屢出示曉諭又近題委司官朱萬年

往來巡緝於通務之間力防奸弊政爲此也輕  
賁頭緒頗多已經科臣題明改入太倉務期收  
支清楚從此以往或不至有關說透支之虞影  
射乾沒之弊矣漕船被燒急應補造料淮上經  
管督臣及清江廠蕪湖等關自有同心若九江  
等關稅額近日屢增未嘗減也就兵定餉事在  
樞曹卽有漏卮臣部額出之數從無少減臣部  
不能以軍餉之空靡而代責其兵馬之精銳也  
京邊錢糧見今差官四出清查追解如有陰潤

私囊捏造假批者須俟查明報部方便另究而  
重繩以三尺耳總之漕運之遲積有多年逆酋  
之做邁之一旦

皇上念陸運之艱辛

特沛助車之

令於臣部罪戾誠稍寬矣而一時急公効義之屬不  
無稱苦勲臣之言實獲臣心除各項款件見在  
申飭力行外既經成國公朱純臣等具奏前來  
相應覆

請恭候

命下臣部行文各該衙門一體欽遵施行

崇禎三年三月二十二日具

題本月二十七日奉

聖旨據奏餘米數目知道了其存尖買剩二項宜開  
明收放實在支銷不得空批漂熨入掃積以滋  
侵隱餘依議旨內已字改正行欽此